

Broj: 01-05-6-05784/2015

Sarajevo, 16.12.2015. godine

Na osnovu člana 90. Zakona o javnim nabavkama Bosne i Hercegovine („Službeni glasnik BiH“, broj 39/14) i odredaba Pravilnika o postupku javne nabavke putem direktnog sporazuma u Federalnoj upravi za inspeksijske poslove, broj 01-02-6-01567/2015, Direktor Federalne uprave za inspeksijske poslove, donosi

ODLUKU

o dodjeli ugovora za nabavku– 10 (deset) kancelarijskih daktilo stolica za potrebe Federalne uprave za inspeksijske poslove

I

Prihvata se ponuda broj 122/HA od 11.12.2015. godine, te se Ugovor o nabavci roba **10 (deset) kancelarijskih daktilo stolica** za potrebe Federalne uprave za inspeksijske poslove dodjeljuje se ponuđaču „Fef“ Export-Import d.o.o. Sarajevo.

Ugovor sa ponuđačem „Fef“ Export-Import d.o.o. Sarajevo, zaključit će se pod slijedećim uslovima:

- Ukupna cijena: 1.100,00 KM bez PDV-a, odnosno 1.287,00 KM sa uračunatim PDV-om;
- Rok isporuke: 15 dana od dana potpisivanja ugovora
- Uslovi plaćanja: 30 dana od dana ispostavljanja zbirne fakture;
- Garancija: 12 mjeseci računajući od dana isporuke robe.

II

Federalna uprava za inspeksijske poslove kao Ugovorni organ će sa ponuđačem iz tačke I ove odluke zaključiti ugovor kojim će se regulirati međusobna prava i obaveze vezana za predmetnu javnu nabavku, a u skladu sa uslovima definisanim tenderskom dokumentacijom i zakonskim propisima koji regulišu postupak ugovaranja.

III

Ova odluka će se objaviti na web stranici Federalne uprave za inspeksijske poslove.

Obrazloženje

Direktor Federalne uprave za inspeksijske poslove je svojom odlukom broj 01-05-6-05784/2015 od 30.11.2015. godine pokrenuo direktni postupak javne nabavke roba – 10 kancelarijskih daktilo stolica za potrebe Federalne uprave za inspeksijske poslove. Nakon pokretanja postupka, Komisija za javne nabavke je dana 30.11.2015. godine uputila zahtjev za dostavljanje ponude ponuđaču „Fef“ Export-Import d.o.o. Sarajevo. Navedeni ponuđač je u ostavljenom roku, odnosno dana 11.12.2015. godine dostavio svoju ponudu, koju je komisija nakon prijema otvorila istog dana, te na osnovu iste sačinila zapisnik sa evaluacije i odabira ponuda za izbor najpovoljnijeg ponuđača broj 01-05-6-05784/2015 od 16.12.2015. godine. Prilikom analize ponude komisija je konstatovala da je ista po svojoj cijeni prihvatljiva, a također je posebno uzela u obzir činjenicu da se radi o domaćem proizvodu, te je zauzela stav da direktoru uprave dostavi prijedlog da se ponuda ovog ponuđača prihvati i da se istom dodijeli ugovor o nabavci predmetnih roba.

Nakon razmatranja dostavljenog prijedloga, Direktor je donio odluku kao u dispozitivu.

Dostaviti:

- ① Komisiji za javne nabavke ,
2. „Fef“ Export-Import d.o.o. Sarajevo, Azize Šaćirbegović 24, 71000 Sarajevo
3. Sektor za materijalno-finansijske poslove,
4. Sektor za tehničku podršku i plansko-analitičke poslove,
5. a/a;


DIREKTOR
Ibrahim Tirak

Na osnovu odluke direktora Federalne Uprave za inspekcijske poslove broj 01-05-6-05784/2015 od 16.12.2015. godine, člana 90. i člana 98. stav (5) Zakona o javnim nabavkama Bosne i Hercegovine („Službeni glasnik BiH“ broj 39/14), odredaba Pravilnik o postupku javne nabavke putem direktnog sporazuma Federalne uprave za inspekcijske poslove broj 01-02-6-01567/2015 za izbor najpovoljnijeg ponuđača za nabavku i isporuku kancelarijskih stolica za potrebe Federalne Uprave za inspekcijske poslove,

Federalna uprava za inspekcijske poslove, ul. Fehima ef. Čurčića br. 6, Sarajevo, ID broj 4201159630005, koju zastupa direktor Ibrahim Tirak (u daljem tekstu: Ugovorni organ)

i

„FEF“ Export-Import d.o.o. Sarajevo, ul. Azize Šaćirbegović broj 24, 71000 Sarajevo, ID broj 4200160190004, koju zastupa direktor Emir Kapić (u daljem tekstu: Dobavljač)

zaključuju,

U G O V O R O NABAVCI 10 KANCELARIJSKIH STOLICA

Član 1.

Ovaj ugovor se sklapa na osnovu Odluke Ugovornog organa o dodjeli ugovora broj 01-05-6-05784/2015 od 16.12.2015. godine i prihvaćene ponude Dobavljača broj 122/HA od 11.12.2015. godine.

Član 2.

Predmet ovog ugovora je nabavka i isporuka 10 (deset) komada kancelarijskih daktilo stolica Ugovornom organu od strane Dobavljača, koje su specificirane u Zahtjevu za ponudu Ugovornog organa broj 01-05-6-05784/2015-1 od 30.11.2015. godine i prihvaćenoj ponudi Dobavljača broj 122/HA od 11.12.2015. godine, koja je sastavni dio ovog Ugovora.

Član 3.

Robe koje su predmet ovog ugovora će biti isporučene jednokratno.

Član 4.

Ukupna cijena roba koje su predmet ovog ugovora, a u skladu sa jediničnim cijenama iz ponude Dobavljača, sa uračunatim PDV-om iznosi:

1.287,00 KM

(slovima: jednuhiljadudvijestotineosamdesetsedami00/100KM)

odnosno, bez uračunatog PDV-a:

1.100,00 KM

(slovima: jednuhiljadustotinui00/100KM)



Član 5.

Kataloška robna marka roba koje se nabavljaju je Art. „Roma“ daktilo stolica sa PVC bazom, rukonaslonima N45, tapacirana sjedišta i naslon u platnu boje crne ili teget plave.

Član 6.

Dobavljač se obavezuje da će stolice koje su predmet ovog ugovora isporučiti i fakturisati najkasnije do 31.12.2015. godine.
Dobavljač daje garantni rok na stolice od 12 mjeseci od dana isporuke istih.

Član 7.

Dobavljač jamči Ugovornom organu da će profesionalno izvršiti isporuke roba koje su predmet ovog ugovora.

Član 8.

Ugovorne strane su saglasne da je rok plaćanja stolica koje su predmet ovog ugovora 30 (trideset) dana od dana ispostavljanja zbirne fakture od strane Dobavljača.

Član 9.

Ugovorne strane su saglasne da sva sporna pitanja koja se pojave u vezi sa realizacijom ovog ugovora rješavaju sporazumno, a ukoliko to nije moguće nadležan je sud u Sarajevu.
Za pitanja koja se pojave tokom realizacije ugovora, a nisu regulisana njegovim odredbama primjenjuju se odredbe Zakona o obligacionim odnosima.
Ovaj ugovor stupa na snagu danom potpisivanja ugovornih strana.

Član 10.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA UGOVORNI ORGAN

Direktor

Ibrahim Tirak

Broj: 01-05-6-05784/2015

Datum: 16.12.2015. godine

ZA DOBAVLJAČA

Direktor

Emir Kapić

Broj:

122/KE/21122015

Datum:

21.12.2015.



